

GEORGIUS
BRAVN COLONIENSIS
BENEVOLIS LECTORI
BVSSD.



Xhibemus hic Vrbiūm præcipuarum Theatrum, Lectores beneuoli, ad cuius editionem, præstantissimi viri ex remotis mundi regionibus, diuersas Vrbiūm icones, aliaq; ad communem studiorum promotionem; humaniter transmittendo, doctissimis literis multisq; rationibus nos propemodum inuitos cõpulerunt. Quorum auctoritate, cum in hoc publicum Orbis Theatrum, inducti & pertracti simus, libet hic quædam de primis vrbiūm initijs, progressu, & fatali quarundam interitu, pro consuetudine nostrâ præfari.

Ex naturali ratiocinatione constat, cum frequens hominum multitudo nondum esset collecta, nec agriculturæ, nec pecuariæ, nec archytexturæ, nec opificum artes extarent, in speluncis ac terræ visceribus, quæ nulla adhuc industria vel auaritia, sed casus & natura aperuerant, primùm agrestem, & eam quidem rudem ac simplicem, hoc est, innocentem ac iustam vitam, homines vixisse: Quia sub dio frigida strâsfigere noctes, natura iudicabat incommodum. In istis verò, ferarum ac pecudum potius, quàm hominum latibulis, numero ac familijs, aucti, ad loca capaciora progressi, contra intemperiem & iniuriã aeris, naturali ductu, defensionem quærentes, hirundinum & auium solertiã sunt imitati, ex stipula, arundine, ac luto, tuguria quædam, rudis structura, excitantes, ex frõde, cespitè, vel arundine, cõtra tempestates, recto, lutea suã pallatia concluderunt. Ob auctiorem deinde sobolem, & continuatam generis propagationem, familiæ se diuidentes, in plures casas tanquàm in colonias diuersas prodierunt, vbi naturæ ductus, plurium ædificiorum rationem suppeditauit, quæ securitatis ac defensionis gratiã, diuersas habitationes, vicinitates, ac vicos excitauit. Vnde Archytextura, Agriculturæ, Pecuariæ, limitũ distinctiones, villaticæ, & agrestes partitiones sunt natæ. Hinc litis nomen, à dimotis, vel transgressis limitibus, & contentionum seminariū est ortum: Et prima illa aurea ætas, quæ in primis vitæ humanæ rudimentis sponte sua, sola virtute regnante, sine vitiorum lue, sine lege, fidem, rectumq; colebat, splendidum conuiuiorum apparatus, & vestimentorum luxum ignorauit, sed quæ alimenta primùm terræ spontaneo beneficio suo, postea rudi & incondita agriculturâ, adiuta, suppeditabat, ad arcendam famem ac sitim parçè, & pro necessitate tantum sumebat. Hęc, inquam, aurea ætas, simplicitatis & iustitiæ sole declinante, in deteriorem, argenteam tamen prolem, est immutata. Crescente verò multitudine, cum cõtra peioris ætatis, quam a heneam vocat, corruptelas, sui conseruandi & tutandi studio, quod natura omnibus ingenerauit, frequentiores familiæ collectæ, consilio, industria, & mutuis præsidijs consociatis animis se munire cõpissent, ciues, à coeundo dicti, Opidum, opis gratia, rudi quidem, sed firmiore structura, ædificare cõperunt: Quæ post aliquot deinde temporum spacia ex cultiore structura vrbs nuncupata fuit, In qua ciuitas legum & religionis vinculo colligata, ab aliorum iniurijs se defenderet. Hinc Platõ lib. 3. de legib. omnes disciplinæ & politiæ ordines ex naturæ fontibus manasse, patefecit. Ita, ex naturæ ductu, imperandi & parèdi ratio, Imperium, dico, est natum. Sine quo, vt Cicero ratio de legibus, nec domus vlla, nec ciuitas, nec gens, nec hominũ vnuersum genus stare, nec rerum natura omnis, nec ipse mundus potest. Ipsa quippe natura dictare videtur, vt parentes imperent natis, generosi & nobiles ignobilibus, sapientes imprudentibus, & ignaris. Itaq; idem Platõ eodem de legib. lib. asserit, Cum Deus formaret homines, quicumque ad imperandum idonei sunt, ijs aurum in iporum generatione admiscuit, propterea honoratissimi sunt. Illis autem, qui ad auxiliandum, argentum indidit: Ferrum deniq; & æs, agricolis, cæterisq; opificibus. Indicãs, naturam & eius auctorem Deum, harum varietatum indidisse semina. Summa enim Dei bonitas & infinita sapientia, quæ cuncta in gubernatione mundi disponit suauiter, omni sæculo, quosdã excitauit præcipuos viros, qui ingenij & prudentiæ acumine, virtutumq; actionibus auctoritatem sibi comparantes, cæteris, ad politicas societates ineundas, & pacificè conseruandas, veluti quædam numina, præluceret. Talem olim celebrarunt poetæ Iouis filium Argiuorum Regem API M, qui rudium Aegyptiorũ misertus, relicto pro-